

Headline: **GTower Jamu Masakan Tradisi**
Publication: Kosmo
Date of Publication: 10 June 2015
Section heading: Varia
Page number: 27
Byline / Author: By Ghazali Alias
Outlet featured: Banquet_SVSB

GTower jamu masakan tradisi

IFTAR merupakan salah satu nikmat yang hanya dapat dirasakan ketika menjalani ibadah puasa sepanjang bulan Ramadan.

Bagi merayakan kemeriahan bulan Ramadan tahun ini, GTower Kuala Lumpur menawarkan bufet Ramadan yang bertemakan hidangan Melayu tradisional. Bufet Ramadan kali ini pastinya mengubat kerinduan pengunjung untuk menikmati hidangan autentik desa.

Mengetengahkan tiga menu utama, bufet Ramadan di GTower menampilkan hidangan signatur sup tulang rawan, ayam percik istimewa dan kambing bakar enak yang disediakan dengan resipi menggunakan rempah ratus tempatan.

Menurut Cef Kanan Sous, Cef Sherry, melalui pengalaman lebih dua dekad dalam dunia masakan dengan kerjasama kumpulan kulineri



GTOWER menawarkan kepada pengunjung juadah berkonsep Melayu tradisional untuk bufet juadah berbuka puasa tahun ini.

profesional, Ramadan kali ini akan menampilkan lebih 100 menu iftar untuk menjamu pengunjung di GTower.

"Makanan autentik seperti kerabu, daging dan makanan laut merupakan antara hidangan yang disajikan secara panas di dalam belanga untuk mengekalkan rasa asli hidangan zaman berzaman.

"Daripada pembuka selera, hidangan utama hingga pencuci mulut variasi makanan disediakan menggunakan resipi dan ramuan asli khusus untuk peminat masakan tradisional Malaysia," katanya.

Antara hidangan lain yang disediakan bermula hidangan nasi, GTower menampilkan pelbagai jenis masakan seperti nasi beriani,

nasi wangi dan nasi ulam. Bagi lauk-pauk, hidangan seperti ayam panggang berempah, daging masak hitam, daging salai masak lemak cili api, sambal udang, ikan pari bakar dengan kuah asam dan asam pedas ikan tenggiri pasti membuka selera. Tidak terkecuali hidangan sepinggan lengkap seperti aneka pilihan mi rebus, dan bihin sup utara turut disajikan untuk mereka yang tidak memilih untuk menikmati makanan berat sewaktu berbuka puasa.

Info



Alamat: GTower, 199, Jalan Tun Razak, 50400 Kuala Lumpur
Telefon: 03-2168 1919
E-mel: info@gtower.com.my
Harga: RM95 (dewasa)
Tarikh: 20 hingga 14 Julai 2015